

Turmbou

Text und Musik
Jacob Stichelberger

Bi Vol - kets - wyl wei ry - chi Lüt es ri - se Chraft-wärk bou - e wo

3 Strom für ganz Eu - ro - pa git das die sech das ge - trou - e s'chosch - tet bo - de - los vil Gält

6 all - wä Bil - li - o - ne dsgrösch - te Wärk ir gan - ze Wält mit ri - se Di - men - sio - ne

Turmbou

1. Bi Volketswyl wei rychi Lüt
es rise Chraftwärk bou
wo Strom für ganz Europa git
das die sech das getroue
s'choschtet bodelos vil Gält
allwä Billione
ds gröschte Wärk ir ganze Wält
mit rise Dimensione
2. Dr Chüelturm macht es ganzes Heer
Bouarbeiter z'schnufe
dä stygt us em Kranemeer
gäge d'Wolken ufe
aber wils em z'langsam geit
seit dr Chefbouleiter,
so geit das en Ewigkeit
s'brucht no meh Bouarbeiter
3. Vo wythär mit eim grosse Zyl
chöme drum was weiter
uf schnällschtem Wäg nach Volketswyl
ändlos Frömdarbeiter:
us Spanien und Italie
Griechen Afrikaner
paar Sidler us Ouschtralie
und hufe Tibetaner
4. Die schaffe jitz mit Stei und Sand
wyt obe höch am Himmel
doch gly druf gits es Dürenand
es gfürchigs Sprachegwimmel:
dr Dütsch seit Sand dr Griech meint Stei
dr Tügg versteit Fyrabe
dr Schwyzer dänkt, was dä cha hei?
und wird verruckt drufabe
5. Wil niemer weder cha no wott
uf enander lose
geits z'Volketswyl gly hüscht und hott
dä Turm faht afa chrose
vom Himmel sackt er langsam y
uf Mönsche Krän und Kabel
vil Stoub no de isch alls verby
vo üsem Turmbou z'Babel